





20/21





an 1615.

2<sup>e</sup> Jan. 1718

ARREST  
DE LA COUR  
DE PARLEMENT  
DE BORDEAUX.

*Ensemble le decret, contre les complices  
de la rupture des prisons de la cōcier-  
gerie & assassinat du Concierge.*



A PARIS,  
Chez ABRAHAM SAYGRAIN.  
ruë S. Iacques au dessus  
de S. Benoist.

M. DC. XV.

*Avec Permission.*

D

X

DE LA GOVER

Case  
F

39

326

1615 fap

THE NEWBERRY  
LIBRARY



EXTRACT DES  
*Registres de Parlement.*

**L**A Cour deliberant sur le crime de leze Majesté force, & violence publique commise le iour d'hier contre l'autorité & le service du Roy, & contre l'honneur de sa iustice en la rupture & fraction de la grande porte du Palais de Lombier, & des portes des prisons de la Conciergerie de ladite Cour, enlèvement du prisonnier haut Castel condamné à mort par arrest d'icelle le iour precedent pour plusieurs meurtres atroces, & pour trois insignes rebellions par luy commises aux executions des arrests d'icelle, & sur l'assassinat commis en la personne de feu Castez, concierge à l'entree de la porte de ladite Conciergerie, & difficulté que le Procureur general du Roy a titer les preuues & sçauoir les noms & qualitez des complices du dit crime pour en faire iustice, quoy que ledit crime soit si public qu'aucun habitant de la presente ville ne l'ignore, & qu'il ayt esté commis à la veüe de plusieurs personnes, & ayant entendu sur ce la volonté du Roy par sa propre bouche qui a voulu & commandé que iustice en soit faite & que les coupables soient punis, Oüy & ce requerant du Haut pour le Procureur general du Roy. Ladite Cour a enioinct & enioinct a tous les habitans de la presente ville, & autres personnes qui ont veu faire & commettre les-

dites forces, violences, fractions & rupture des  
 portes dudit Palais & de ladite conciergerie en-  
 leuement & rauissement dudit Haut Castel cō-  
 damné à mort & assassinat fait en la personne  
 dudit feu Castez & qui sçauent pour auoir veu,  
 ou ouï dire le monopole fait pour commettre  
 l'edit crime, & qui ont veu & reconnu les per-  
 sonnes qui l'ont fait, ou presté ayde, faueur, &  
 assistance, à le commettre de venir déposer de  
 verité & reueller ce qu'ils en sçauent tant aux  
 Commissaires deputez par la Cour, pour ouyr  
 les tesmoings qu'aux gens du Roy de ladite cour  
 à peine en cas de refus delay ou tergiuersation  
 d'estre punis comme auteurs & fauteurs dudit  
 crime de leze Majesté, perturbateurs du repos  
 public, & ennemis du Roy, & de sa iustice, &  
 ordonne ladite Cour que le present arrest sera  
 leu & publié à son de trompe par les cantons &  
 carrefours accoustumez de la presente ville, &  
 affiché à iceux, affin que personne n'en preten-  
 de cause d'ignorance. Fait à Bourdeaux en  
 Parlement les Chambres d'icelles assemblees, le  
 18. iour de Nouembre, 1615.

Ainsi signé,

DE PONTAË.



## EXTRAICT DES REGISTRES de Parlement.

**S**ur ce qui a esté remonstré à la Cour par le Procureur General du Roy, qu'ayant esté informé à la requeste du crime de leze Majesté, violence, voye de fait, & forces publiques, commises en la rupture & fraction des portes du Palais & conciergerie, ensemble du meurtre & assassinat commis en la personne de M.

Castets Concierge, & de l'enlèvement d'Anthoine d'Hault. Castel, prisonnier detenu en ladite Conciergerie, & condamné par Arrest à souffrir mort, pour plusieurs rebellions faictes à la Iustice, & plusieurs meurtres dont il estoit conuaincu, ladite Cour auroit iugé ceste action si importante à l'autorité du Roy, honneurs, & dignité de sa Iustice, seureté de ceste ville, & Prouince qu'elle auroit decretté les informations de prise de corps, contre le sieur Cardinal de Sourdis Archeuesque de Bourdeaux, vn nommé le Ieune Beynac, Gentil-homme, & autre nommé le Moulin d'Arnac, le Porte-Croix ordinaire dudit Cardinal de la Pomarede, & des Landes, vn nommé Saint Gemy, autres nommez le Normand Torneur, demeurant pres le Palais, vn Sauetier demeurant prez sainte Colombe, autre nommé Montauban Sergent de Bande d'une compagnie de ceste ville, autre nommé Montaigne son Lacquay,

& le Lacquay du Moulin d'Arnac, la pluspart desquels au mépris de la Iustice, & de ses decrets, se sont retirez dans des villes Circonuoinfines, & en des maisons fortes de ce ressort, ou ils sont resolu de tenir bon contre la Iustice, & empescher par ce moyen l'exécution de ses decrets. A quoy ledit Procureur General à supplié la Cour de vouloir pourueoir, surquoy de deliberation, ladite Cour faisant droit du requisiroire, dudit Procureur General à enioinct à tous Seneschaux, Visseneschaux, & autres Officiers du Roy, Maires, Jurats, Consuls, & Eschequins des villes de ce ressort, à tenir main forte à l'exécution des susdits decrets, & ce faisant capturer & mettre és mains de la Iustice ledict Cardinal de Sourdis, & autres desnommez audit decret, à peyne de priuation de leurs charges & de punition exemplaire, avec inhibitions & deffences, tant ausdits Consuls, sieurs haults Iusticiers, Gentils-hommes & autres de quelque qualité & condition qu'ils soient, d'iceux retirer dans leurs villes & Chasteaux leur prester ayde, faueur ny confort, sur peyne de priuation de leurs Iustices, & d'estre procedé contre eux, comme perturbateurs du repos publicq, & affin qu'aucun n'en pretende cause d'ignorance, ordonne ladicte Cour, que le present arrest sera publié par la presente ville, & enuoyé par tous les sieges de ce ressort à la diligence dudit Procureur General, pour y estre leu & publié, & sera le present arrest executé en vertu du simple dictum sans leuer aucune commission, en

7  
forme attendu la matiere dont est question.

Fait à Bourdeaux en Parlement, les Cham-  
bres assemblees, le dix neufiesme Novembre  
1615.

Signé

DE PONTAC.

For the purpose of the present investigation, the following data were obtained from the records of the Bureau of the Census, Department of Commerce, for the years 1910 to 1920.

1910

1920

Year	Population	Area	Population per square mile
1910	92,228,496	3,679,121	25.07
1920	106,001,327	3,679,121	28.81

